

剡源鄉志卷十一

奉化趙霈濤 醉仙甫纂

人物傳三

皇朝

毛會掌字仲管號春律石門人順治六年白寇作亂會
掌為練長三月十四日被賊所害邑侯王公奐以詩
弔之詩曰剡溪一布衣談笑有兵機運謀誅崇惡吐
氣貫虹霓訓練諸宗子懷心報國彝橫罹遭殲馘臨

風淚清淒

毛譜

剡源鄉志

卷十一

人物傳三

一

單九翔字時化號嵩里

單譜

小晦人以歲貢作恩貢為陽

春知縣

康乾
二志

四年往者里甲編役十稔一週豐約不

齊值充者破家十之八九九翔申請均派富戶寒丁

罔得奸移由是五載一役費以均而得輕又為之革

火耗絕委徵懲奸胥輕鞭朴民樂平恕輸將不後

王應

時有以修衙之例進九翔叱曰衙以居官為

安民也而噬民耶揮卻之

梁應材撰
德政記

順治十五年卒

年六十五

毛會吉字仲慶石門人賦質醇茂治農樵漸致贏餘時

遭荒歲里族多不聊生會吉煮粥賑飢存活頗眾又
就己山開巨嶺建菴其上使人憩息邑令曹鼎臣顏
其門曰太古遺逸

乾隆志

毛岳靈原名嘉仙康熙間新嵯胡雙奇龔萬里等聚眾
大嵐山先犯石門嘉仙以本族人與之力戰賊敗去
邑令曹鼎臣聞其名命率毛氏族隨

大兵追之搗寇巢穴殪其眾走胡雙奇斬龔萬里大嵐
以平郡守邱公業嘉之令改今名取山岳鍾靈之義
也

乾隆志

剡源鄉志

卷十一

人物傳三

二

毛遠棖字廷續石門人少失怙與母杜撫二弟堅忍節
儉年十九娶唐氏相敬如賓越五年唐卒誓不復娶
後二弟長勸兄續娶則堅拒之曰吾弟有子吾無憂
矣雅好詩書精於卜閒則樂棋不喜與人爭康熙末
年八十一而終

鄞毛志
溇撰傳

樊景瑞字考祥沙隄人康熙時武生幼穎悟課時藝略
過目輒廢置談及古文津津不釋口以故應童子試
嘗見黜於有司然益肆力於古人之文章尤於奉之
前賢如趙平湖舒文靖樓攻媿陳本堂戴剡源任松

鄉諸公考其顛末各爲列傳嘗手錄本堂集輾轉假借閱年餘始竣其意欲刊刻行世惜有志未逮

樊經陳本

堂集序

乾隆十四年卒年七十二

樊譜

著有拙遜樓文集

唐文獻字翊用號柱隱公塘人康熙歲貢能詩著有竹窗集弟文煥原名文龍字尺木亦能詩著有嵩溪詩集

唐禪字鼎聲

乾隆志

號梅巖

唐譜

雍正癸丑歲貢博學能文

事親克盡孝道伯父文獻赴廷試歿於京師禪時貧乏奔走五千里外負骸骨步行歸里堂兄鎰早逝嫂

剡源鄉志

卷十一

人物傳三

三

吳氏孀居凡井臼澣濯諸事皆使己妻任勞復令減去鉛華與寡嫂同其服飾所以玉成嫂節而慰兄魂於地下者周且摯也學憲彭公維新聞其行而獎之

乾隆志

入祀剡源先正祠

王世聯字廷秀毛家灘人雍正時父病垂篤世聯密割股肉以進父病忽愈越十餘年而卒郡庠毛有光例貢周召南作詩褒美之世聯子四其季子楷成邑諸生

王譜

光緒二十二年六月邑侯但懋祺以孝則有福

獎之入祀剡源先正祠

陳守法柏阡人其弟守淵病篤父鍾愛少子哭泣不已
守法默念割股可以療疾弟疾若療父憂可解矣遂
焚香禱祝割股肉以進弟病頓失未幾病復而卒不
數年守法亦以舊傷陡發竟卒年三十繼妻顧氏詳
列女傳子秉鈞成邑諸生

毛階六字雲虎號無逸石門人乾隆時邑增生生平力
行孝弟常以古人自待不屑屑於功名於諸儒中尤
力慕舒文靖其館於家雖盛暑亦衣冠坐講堂聞其
母語聲卽肅然起立家人有過無怒色疾容必委曲

剡源鄉志

卷十一

人物傳三

四

面諭徐徐俟其自悟其敦行不怠類如此卽素性落
拓者遇階六在座未嘗不斂手改容

趙棻撰
無逸傳

其究心

性理學問深邃務實德弗尚浮名殆濂洛關閩之流

亞歟

嵯邑唐華封
譔桂山行略

嘉慶十四年卒年四十三入祀剡

源先正祠

單禮則字立朝西晦溪人母盧氏病年餘不愈百藥無
效勢危篤禮則除夕默禱於神元旦割臂昏暈半晌
託言他肉以進母病復延十日而卒哀毀逾常後壽
至七十九光緒二十二年六月邑侯但懋祺以祝鳩

至性獎之人祀剡源先正祠

趙青照字藜堂號耐軒三石人以邑廩生領嘉慶三年鄉薦遠近從學者日益眾嘗掌教錦溪書院與吳曉園孫竹灣共稱文宗二十二年學師孫熊創建育嬰堂青照實贊成之司察其事歲活嬰孩以數百計二十四年爲新城教諭道光三年新城修縣志任總校之職旋卒於任所年六十七子舜年太學生二十五年邑令王濟議加錢糧耗邑民訴諸省省下之府不得直民大闕巡道陳之驥與參將百勝來剿邑民止

剡源鄉志

卷十一

人物傳三

五

百勝於泉口舜年以數十人往救之時有與舜年爲讎者讒於百勝曰彼來捉中府也遂有餘黨之名被逮至省次年二月遇害闔邑冤之

互詳大事記

竺陳簡字个園號載文弱冠游庠距居七八里有富室欲主其家課子弟讀陳簡謝之乃負笈覓師至古堇數年遂冠道光壬午秋榜試春官不得志旋丁外艱服闋以大挑分發貴州知縣以母在堂不忍遠遊告近宰福建永安不期月而母又謝世歸奔喪旣禫補授貴州龍泉知縣中丞賀長齡見陳簡獨器重之目

爲賢令尹調補普定歷署甕安畢節以三縣皆衝要
惟陳簡克當其任故使之且知其能文章庚子癸卯
甲辰俱選爲同考官得人稱盛有兄弟爭產者訟於
官陳簡令懸其父遺容於壁兄弟跪其下自訟之久
之兄弟皆泣願相讓不復爭邑有無賴者奪攘矯虔
又健訟眾愍焉執而欲弊於杖繼聞其房族無人丁
弊之則絕迺爲一樁活其底絀其人至數其罪命杖
弊之將弊卽令尸諸樁舁在投野巷密令人抽底出
之且謂之曰汝罪當死不弊於杖必弊於眾縣主不

剡源鄉志

卷十一

人物傳三

六

忍餒而祖故隱釋汝汝速痛改前非其人泣拜誓天
卒爲善士邑有大溪水深而險涉之則溺迺省水勢
築隄緩其流造舟渡人往來以便因呼其渡曰竺公
渡後以卓異薦陞用同知未及引見道光二十六年

卒於任所年五十二

鄞孫學駟
撰墓誌銘

案陳簡本姓陳

毛玉佩字孟遷號石臺巖頭人嘉慶時諸生日取古人
法帖臨摹之遂自名家以能書聞兩浙喜作擘窠大
字其字愈大愈佳晚年益超神妙尤善作六七尺龍

虎大字人比之生龍活虎云徧遊名山各有留題嘗
至姑蘇求書者戶限爲之穿玉佩厭其煩遂返里門
性愛名花奇石見人有一花一石雖書十餘幅亦不
受其直輒攜之以歸其風趣如此自號伴我山民學
師孫熊贈號性巔卒年七十三所著有學書略則

陳世葵字嶽秀柏阡人監生成豐辛酉十月督勇防守

陳公嶺力戰陣亡入祀兩浙忠義祠

參兩浙忠義錄

孫璉邑庠生徐家步頭人陳士興儒士年八十陳開祝

陳世燦陳占鎮俱柏阡人毛仁尙大畧人施行文晚

剡源鄉志

卷十一

人物傳三

七

響嶺人樓鼎天水碓頭人陳南成上蹕駐人康佳申

康招才俱康嶺人唐水木監生倪家畧人康宇廷塔

下人樊化生樊厚盛樊 俱沙隄人趙義錫陳虞

江陳嗣宰陳悌明俱三石人均於咸豐辛酉十月廿

四同日殉難

毛榮濬

兩浙忠義錄作申

字賚珠石門大山人同治壬戌正月

毛殿英起義討賊募人往各村遍貼檄文無一人敢

應者榮濬毅然請往至松林之排溪爲賊謀所獲以

釘釘手足於板送至城中賊將訊何人主兵榮濬堅

不肯吐罵曰狗賊人人爭欲啖汝肉奚問主兵者爲
賊以利刃戳其口罵愈厲牽至東門外縛石柱上爭
拔其髮且盡血如泉湧然後以亂刀戕死時正月二
十八日也忠義錄年三十七入祀兩浙忠義祠剡源
先正祠

案兩浙忠義錄義民表既列來珠續義民表又
列榮申不知來珠卽榮申之字也

毛謙榆字載揚其弟謙杉字三揚毛裕足字松茂俱石
門人咸豐辛酉十月己卯二十四日粵匪陷縣城旋分遣

剡源鄉志

卷十一

人物傳三

八

賊黨賀某設卡於剡源之康嶺脅令各村進貢居民
恨入骨髓同治壬戌正月丁酉十四日有游賊數千由

新昌至縣城戊戌賀賊聞有義兵之耗遁入城中己
亥游賊復由縣城至六詔庚子回至康嶺勢將盤踞

辛丑十八日六品軍功毛殿英與其子武生偉儒起義

討賊招謙榆謙杉裕足合族人暨各村近千人偉儒
當先殿英押後至斑溪賊率大隊分兩翼而來偉儒
指揮謙榆等亦分兩翼而往時有毛朝堂者鎗斃其
賊目執大旗騎馬者一人三人縱橫痛擊賊勢不支

奔至康嶺三人率眾追殺斬賊首三十餘級賊拚命
奔逃三人以手招四十餘人追至嶺下畝四十人餘
者見賊已遠颺裏足以俟三人不虞後軍之不繼也
一往而前時天將昏黑殿後之賊卽回馬欲以洋鎗
開放三人將以烏鎗回擊孰意追趕之際門藥已落
聲響不出急忙裝藥藥已告匱賊以大旗掩之俱爲
所戕忠義錄義民表嗚呼三人皆山間之農民耳素
作正月陣亡不讀聖賢之書而義憤所發直至殺身而不顧且手
無軍器所持不過烏鎗短刀又當子藥告罄之時而

剡源鄉志

卷十一

人物傳三

九

欲徒手以搏賊眞萬死而不得一生者矣浙省肅清
殿英稟縣通詳各憲奏請世襲因家貧無力而止均
入祀兩浙忠義祠剡源先正祠

樊忠銓儒士單思忠俱沙隄人周賢植周賢傳俱白壁
人竺震木倪家山人董剛名董允章俱董家橋人張
寬心張維棟俱高畧人許繼明許承倫俱剡界嶺人
孫業興六詔人陳世英上六詔人黃會金麻廠人陳
寶仁龍塢人曹章麟曹炳金徐青元俱塔下人康才
緒董家畧人單敦鉅單仁紀單仁源單仁任單貽風

俱亭下人陳唐乾陳嗣原陳賢統陳賢渭陳嗣鏡陳嗣林陳嗣昌陳嗣浩陳嗣日俱三石人樂戶仇子順上蹕駐人均同治壬戌殉難先是陳嗣振三石人正月十八日禦賊戰死於西隅

案辛壬二歲剡源殉難者頗多而兩浙忠義錄僅列唐水木陳世葵曹炳金康雨亭陳悌明陳寶順樊忠銓曹章嶙等名甚矣當年採訪之疏也

趙智大三石人咸豐末粵賊陷蘇常同治初元充西人

剡源鄉志

卷十一

人物傳三

十

華爾常勝軍隸今大學士一等伯李公麾下歷克蘇常屬縣賞給六品軍功二年四月十四日因礮過熱藥噴殞於宜興軍中大憲具棺殮給資歸其喪康炳才賜恤千總康才扞賜恤六品軍功俱康嶺人江甯礮局藥炸而傷均崇祀金陵甯波昭忠祠

盧宗孝北溪人例貢生母唐氏以守節著

詳列女傳

宗孝性

慷慨好施凡拯人急難無不稱量以與座中賓客常滿未嘗問其來歷凡遊四明石窗者咸主其家一時有小孟嘗之稱同治初奉邊郡尊葆誠檄扼守羊額

嶺破賊 欽加五品實銜卽用分府卒年八十五
陳傳基字孟光柏阡人父濟霖諸生傳基好讀書年三
十一妻金氏卒子學欽才十齡父命其續娶傳基曰
何如以續娶之資培植書香乎遂一意教子迨學欽
長俾出就外傳傳基年五十一而卒後學欽成邑諸
生

何文光三石人年二十七妻曹氏亡一子僅週歲時正
需乳文光以米糊飼之就溼推乾恩勤倍至其父母
欲爲再娶文光曰兒已有子奚以娶爲光緒十年卒

剡源鄉志

卷十一

人物傳三

十一

年六十一

張立沚字海生馬村人母病三月家貧竭力醫治不效
密至洪村廟神前祈禱以利刃割臂和藥汁以進母
見其藥汁中有油問之立沚曰兒妻不小心偶墜肉
一塊兒已撮出不復油矣藥入口病陡輕延數月旋
卒哀毀骨立鄉里多之光緒二十二年六月邑侯但
懋祺以永錫爾類獎之入祀剡源先正祠

何景黍字問樵邑諸生三石人年三十二妻徐氏亡一
子六齡服闋人勸其續娶景黍笑曰此非寒儒所宜

也光緒十六年卒年五十二

張立洪馬村人年二十七妻王氏亡及期父欲爲立洪
續絃立洪曰兒幸已有子諸弟俱無妻不如爲弟娶
妻便見婦女輒俯首而過其遠嫌如此光緒二十年
卒年五十八

長男文衡校字

剡源鄉志

卷十一

人物傳三

十二

補

人物傳三

陳守濂柏阬人生五歲而孤賴母俞氏苦養成立長習
舉子業年四十七母忽遭痿疾常在牀褥醫藥無效
濂甚憂之遂齋戒沐浴身懷利刃潛赴邑廟夜宿齋
壇祈神示夢不得至黎明虔誠致禱因割股踰時方
蘇再拜收拾血迹懷肉而歸和藥以進不數日母病
漸愈由是其母康强者十年至六旬餘卒卒之時哀
毀骨立力行喪葬宗族鄉黨咸無閒言云

顧鴻
撰傳

剡源鄉志

卷十一

人物傳三

十三

案此傳宜補在陳守法之後

竺昌阜字小園陳簡子寓居郡城陳簡服官有循聲將
入覲忽歿於任訃至走八千里繭足跋涉扶櫬以歸
歸則寢處苦塊治祭葬如禮嘗以父所遺廉俸分贍
諸父且以董村向無宗祠與諸父謀創建助腴田供
祀事俾族人歲時合食其中旋補博士弟子員會粵
賊警逼倉皇率家屬去依族以居時糧價騰貴迺買
米調恤所親以輸將功甄敘試用訓導

案當與其父合傳